

Kalaallit Nunaanni eqqartuussisarnermik inatsisip allanngortinneqarnera pillugu inatsisissatut siunnersuutip (Inuit sakkutuujunngitsut pillugit eqqartuussivimmi suliad Nunatta Eqqartuussisuuneqarfianut innersuunneqarnerat) Kalaallit Nunaanni Namminersorlutik Oqartussanit akuersissutigineqarnissaq pillugu Inatsisartut aalajangiiffigisassaattut siunnersuut
 (Inuussutissarsiornermut, Niuernermut, Aatsitassanut, Inatsisit Atuutsinnejcarnerannut Naligiissitaanermullu Naalakkersuisoq)

Saqqummiussissut

(Inuussutissarsiornermut, Niuernermut, Aatsitassanut, Inatsisit Atuutsinnejcarnerannut Naligiissitaanermullu Naalakkersuisoq)

Siullermeerneqarnera

Suliassaqarfii, qallunaat naalakkersuisuisa akisussaaffigisaasa sunniuteqarluartuunissa aamma ullumikkumut naleqquttuunissaasa qulakkeerneqarnissaat, Naalakkersuisunut tulleriaarinermi sallerpaamiitinneqarpoq.

Qallunaat eqqartuussisarnermik inatsisaanni inuit sakkutuujunngitsut pillugit eqqartuussivimmi suliad immikkut ittumik pingaaruinnartutut aamma inuiaqatigiinnut tunngasumik pingaarutilimmik kinguneqartussatut nalinginnaasumik pingaassuseqartut, eqqartuussisuuneqarfimmi suliariinneqqaarfiusutut suliassanngortinneqartarpuit, taamaalillutik taakku toqqaannartumik Eqqartuussiviit Qullersaannut naammagittaalliuutigineqarsinnaalerlutik. Ungasinngitsukkut pisoq, tassani kalaallit inatsisitigut ataataqanngitsut qallunaat naalagaaffiannut eqqartuussivimmi suliassamik aallartitsisimanerat suliatur taamaattutut assersuutaavoq. Suliaq suliassanngortinneqaratarsinnaasoq alla tassaasinnaavoq spiralilersuinermik suliaq.

Taamaalilluni periarfissap Danmarkimi atuuttup assingata, Kalaallit Nunaanni eqqartuussisarnermik inatsimmi ilanngunneqarnissaq pillugu Naalakkersuisuit Inatsiseqarnermut ministereqarfimmut noqqaassutigisimasaat tunngavigalugu, siunnersuut manna saqqummiunneqarpoq, tassami ukiuni aggersuni suliad pingaaruinnartut assingusut takkussinnaanerat naatsorsuutigisariaqarmat.

Akuusup noqqaassuteqarneratigut, suliaq pingaaruinnartutut pissuseqarpat aamma inatsisinik atuinermut aamma eqqartuussisutigoortitsinermut suliassaqarfimmi ineriarnermut imaluunniit allakkut inuiaqatigiinnut tunngasumik pingaarutilimmik kinguneqartussatut nalinginnaasumik pingaassuseqarpat, inuit sakkutuujunngitsut pillugit suliap suliariinneqqaarfittut Nunatta Eqqartuussisuuneqarfianut innersuunneqartarnissaq pillugu malittarisassamik Kalaallit Nunaanni eqqartuussisarnermik inatsimmi ilanngussisoqarnissaq, siunnersuutip kinguneraa.

Suliatur taakku Nunatta Eqqartuussisuuneqarfiani eqqartuussisunernit pingasunit suliariineqartassasut siunnersuutigineqarpoq, taamaalilluni eqqartuussisuuneqarfik

Danmarkimit eqqartuussisuunernik marlunnik sulisitsisassalluni, taamaaliornerullu Nunatsinni Eqqartuussivimmit Nunatta Eqqartuussisuuneqarfia naammagittaalliuuteqartarfiutillugu aaqqissuussineq atuuttoq assigaa. Nunatta Eqqartuussisuuneqarfia aalajangiinera tamatuma kingorna sioqqutsilluni Ingerlatitseqqinnissamik aalajangiisartunut qinnuteqaqqaraani, soorlu ullukkut pisut taamaattut, tassani Nunatta Eqqartuussisuuneqarfia naammagittaalliorfigineqartarluni, Eqqartuussiviit Qullersaannut toqqaannartumik naammagittaalliuutigineqarsinnaalissaq.

Aaqqissuussinermi, soorlu Danmarkimi taamaattoq, inuit sakkutuujunngitsut pillugit suliat nalinginnaasut ilaatinneqassasut siunnersuutigineqarpoq. Suliat taakku malittarisassat atuuttut malillugit Nunatsinni Eqqartuussivimmi suliarinneqqaarfittut suliarineqartarput. Aaqqissuussinermi taamaalilluni ilaqtariit pillugit suliat ilaatinneqassanngillat, taakku ullumikkut najukkami eqqartuussivimmi suliarinneqqaarfittut suliarineqartarput.

Taamaalilluni inatsisissatut siunnersuut inatsisinik atuutitsinermut suliassaqarfipnutarterneqarneranik suliaqarnermi ingerlasumi suli ilaavoq, taamaalilluni suliassaqarfik sunniuteqarluartuussammat ullumikkumullu naleqqulluulluni.

Tamatut oqaaseqarlutik immikkoortup Inatsisartuni suliarineqarnissaanut Naalakkersuisut tunniuppaat.